

周  
夫  
醫  
酒  
子  
鼓  
書



評註史載之方卷下

皖南建德後學周學海評註

爲醫總論

道之渾淪莫知其源。道之既判變化無窮莫知其端。推其變化之間凝而爲質。五行名之化而爲氣。五運統之。鍾而爲人。五藏應之。自此而後物之可名數之可推理之可窮。而道之迹乃可得而言之也。大而天地小而一身。理或皆然。統而論之。要其所養一歸之無失而已。故雲霧不精則上應白露不下。白露不下則菀稊不榮。乃至賊風數至。暴雨數起。天地四時不能相保。與此天氣不襲道之相失也。人之起居乖宜。將養失度。一藏有餘。

一藏不足。寒溫之不能相交。榮衛之不能相通。風之氣乘隙而入。疾如飛矢。奇病苛疾。應如反掌。此天地之與人。其理未嘗不一矣。古之聖人。和於陰陽。調於四時。春夏養陽。秋冬養陰。與萬物浮沈於生長之門。故能身無奇病。而壽敝天地。無有終時。此無他。養無失而生氣不竭者也。賢人則上配天以養頭。下象地以養足。中傍人事以養五藏。而無失。亦可益壽。而有極時。至於庶人。不能法天之紀。用地之理。失於所養。天之邪氣感。而害五藏。水穀之寒熱感。而傷六府。地之濕氣感。而害皮肉筋脈。百病無端。從斯而至。病之一生。千變萬化。莫能窮究。故世之善醫者。不患治病之難。患識病之難。患使藥之

難何則。受病有淺深。使藥有重輕。度其淺深。分毫之不可差。明其輕重。錙銖之不可偏。淺深輕重之間。醫者之精粗。病者之性命。差之毫釐。失之千里。得失之間。死生性命之所係。醫之道。不得不爲之難也。故善爲醫者。一病之生。必先考其根源。定其傳受。審其刑剋。分其冷熱。寒溫。辨其上下內外。有真有邪。有虛有實。或隔絕痞塞不通。或空虛微弱失守。可針可灸。可下可汗。闕於不精。勇於必驗。制之有先後。取之有輕重。條理具存。各有其常。而不可差之分毫也。以上總論。總提前半篇。夫病之所起。其來有根源。其次有傳受。其傳有刑剋。此非常之證。勞傷之候也。夫勞之爲病。始於丹元髓海之虛。則真病之所生。



莫不先在於腎。水能勝火。故傳之於心。火能勝金。故傳之於肺。金能勝木。故傳之於肝。木能勝土。故傳之於脾。五藏相傳。五氣相滅。五神耗散。榮泣衛除。而精神榮衛治之之法。其根在腎。而未傳於心者。投之以腎邪之藥。而其氣自損也。當於腎之未治。而傳之於心。先治於腎。攻其鬼而伐其根也。次治心。逐其邪而保全其心氣也。當於心之未治。而傳之於肺。涕唾膠粘。喘嗽不安。先治於心。攻其鬼而斷其相傳之勢。火邪撲滅。肺藥未投。而喘嗽之消滅。十亦去八九矣。次治於肺。解其邪而保安其金氣也。後治於腎。清其藏而還其真氣也。當此未治。而至於肺傳之肝。筋骨痿痺。隱伏於牀。治之亦徒勞無

功如此所謂考其根源定其傳受而審其刑剋也以上勞傷

傳受刑剋夫五藏温病安從來將養乖宜病生於變是則百

病之起雖千變萬化之機而要其所歸不出於寒温熱

冷而已冷者不可治之以温名曰不及涼而治之以熱

名曰太過不及者病之不能減而太過者反有所傷於

真氣也冷者熱之寒者温之輕重得宜疾徐有制動無

毫釐之失而所療之病舉獲萬全此所為分其冷熱寒

温者矣以上温病冷熱寒温傳曰狂風入林枯枝先折猛雨破堙

隙者先壞則入邪之所以感傷於人莫非乘隙而入此

人之所病不能無內外上下之辨也肺氣喘嗽膠痰堅

實伏在胸中潮涎併起傾損性命如此之類病在上也

脚膝痿軟。行步無力。腰膝沈重。如此之類。病在下也。生於皮毛。染於筋骨。或寒邪所中。飲食不消。或熱毒所攻。大府祕澁。百端之變。隨人冷熱。如此之類。病在內也。在上者吐之而安。然不可吐者。當制之以緩。在下者補之而愈。然不可補者。當制之以急。在外者可針。可灸。可汗。隨其所宜。而在內者可攻。可補。可下。隨其冷熱而已。其治之有方。其辨之有法。亦何患乎。所投之藥。無必勝之驗者哉。此辨其上下內外者也。以上論內夫五味爽人之口。五色盲人之目。嗜慾無窮。貪著不已。憂患迭生。精神殫壞。而真殘根伐。是人之不能無虛實也。實者爲有餘。虛者爲不足。有餘者瀉之。不足者補之。而補瀉之間。

又有內外之辨。故形不足者溫之。以氣精不足者補之。以味。五藏六府之內實者。通之以藥餌。四肢八節之外實者。瀉之以針石。此其補瀉之有所不同也。乃所爲分其虛實者矣。以上分其虛實夫古之人年滿百而動作不衰。今之人年未滿五十而動作有衰。非天之私於古而禍於今也。古之人知養生之術。嗜慾不能勞其目。淫邪不能惑其心。血氣安和。精神內守。故年滿百而動作不衰。蓋真全而邪氣不能勝也。今之人不知養生之術。務快其心。逆於生樂。血氣枯衰。精神耗散。乃有胎胎相傳。病病相孕。受氣虛微。肌體羸弱。呼吸喘息之閒。而百病臻湊。於五藏六府者矣。此無他。精虛神乏。而外邪得以干其

陰陽之正氣也。善為醫者保其真，去其邪，無使其過劑之藥。反有以賊其真也。此所謂分其真邪者矣。以上分其真邪乃至有隔絕痞塞不通，空虛微弱失守。雖三尺之童，亦耳聞而心識者矣。夫病之在內，藥餌攻之；病之在外，針石取之。其有病勢之急而藥石之功，緩而難制。聖人又有灸之法，類而舉之。若今陰毒傷寒，其四肢八節皆冷，面青唇黑，不知人事，急於氣海灸之一灸，不過十數壯，而人神氣完復矣。又有夏暑之月，任意取涼，頻飲涼水，或飲冷酒後，恣貪色慾，精氣至虛，陰邪壯盛，陰陽相奪，陰氣偏勝，獨守下元，陽氣虛微，上攻頭項，其病腳冷如雪，四肢八節俱寒，脈氣深伏，但有其熱如火，其痛難忍。



方此之際。針石何濟。急於氣海上灸之。一灸不過數十壯。而日前之所飲涼水。冷酒皆轉下。須臾四肢八節俱暖。而陰陽之氣仍相交際矣。又有冷熱之癰腫。或鮮赤而疼痛。或堅硬而不痛。急以溼紙帖其上。尋其紙之先乾處。便灸。一灸至百壯餘而後止。若以冷腫而紙上不。得其先乾處。卽於腫處當頭著灸。亦以百壯而止。但量肌體厚薄。方可安灸。瘦弱者少灸。肥厚者多灸。或是冷腫。灸而不痛。則以聞痛而止。因喫硫黃。後有此病。更在虛處。不請安灸。言其病屬虛。別治不宜灸也。第灸本治虛冷證。此當是硫毒發爲血虛熱證。故日微敷之脈。慎不可灸。以血虛燥也。夫病之可汗。可下。可針。可灸。其緩急之序。重輕之別。操之不失其宜。施之各有其度。又何患

乎人之不安。病之不愈者哉。以上輕重緩急嗚呼。天地無全功。

聖人無全能。雖黃帝岐伯之論。尚有不治之病。則今有

非常之候。不得其詳。未明其實。闕而勿治。醫者不為之

辱也。苟其病之熾盛。人之危篤。醫者既明其理。又識其

詳。當此之時。不可有分毫之怯。急以毒藥驗針。回其生

於萬死之地。舉必萬全。然非至神無能與此。愚者行之。

無異於操刀殺人。也。如此所為。闕於不精。勇於必驗者。

矣。此皆持之有術。治之有統。不可相踰於規矩權衡者。

也。以上闕於不精。勇於必驗。至於病之有非五行之所傳化。若寒壅

之相交。陰陽之相伏。忽似熱而反寒。忽似寒而反熱。忽

兩寒兩熱之相攻。忽有餘不足之相礙。千變萬化而生。

人之大病苦。又總提後半篇今若肺藏本有實熱。反因臨大風。冒大雨。極感於寒。邪之氣寒。邪之氣客於肺。經寒熱相。交發而成嗽。醫者治之。投以涼藥。順其肺氣。則助其寒。邪之勢。而嗽愈增。投以暖藥。則激其本藏之熱。而加喘。急寒温之藥。俱難以進。則修方使藥之輕重。當見於此。或有以

羌活 黃橘皮 麻黃去根 紫苑 桔梗

細辛 杏仁去雙仁皮尖 獨活 防風

右爲末。每服二錢。沸湯點。空心服。不過數服。而嗽止。

此輕解其寒。邪空心。賺其寒。邪之氣。流出於胃也。此所謂治其寒熱相交者矣。以上寒熱相交忽有入之藏府根本實。

熱。卻。因。履。大。暑。冒。大。熱。驟。入。涼。處。頓。飲。涼。水。寒。氣。勝。閉。  
 其。熱。氣。陰。陽。相。伏。陰。氣。固。而。不。散。陽。氣。伏。而。不。動。其。病。  
 結。為。一。塊。伏。在。胸。中。此。病。名。為。伏。暑。者。也。其。候。惡。寒。心。  
 中。煩。躁。狀。似。傷。寒。而。脈。不。甚。數。醫。者。治。之。妄。投。轉。藥。雖。  
 六。府。之。精。華。悉。皆。蕩。盡。而。心。前。之。結。塊。愈。增。堅。固。此。無。  
 他。所。下。之。藥。助。其。寒。邪。之。勢。陰。氣。轉。堅。而。不。散。也。治。之。  
 之。法。

芎

細辛

藿香

黃橘皮

木香

各一分

右為末。每服二錢。水一盞。煎至七分。為湯。空心服之。  
 先解其寒邪之氣。不移時而心前之結塊頓然消散。然  
 後復審其脈氣。察其暑毒之輕重。必投藥以解之。則亦

何患乎藥之不驗者哉。如此所謂治其陰陽之相伏者

矣。

以上陰陽相伏

夫病有似熱而反寒者。若今有產後之病。五

藏積冷。陰氣偏勝。乳汁倍多。無故流出口。舌常乾。非時

發渴。頭旋。目暈。飲食減少。腸胃虛空。身體羸瘦。每思登

後。忽又不通。淺學治之。不過曰口舌常乾。非時發渴。上

焦之有熱也。頭旋。目暈。血熱而生風也。每思登後。又忽

不通者。大腸祕澁也。是不知乳汁倍多。無故流出。則口

乾而發熱。從可知矣。體氣虛弱。頭旋。目暈。腸胃空虛。而

傳送之氣不足。則每思登後。又忽不通。從可知矣。一旦

誤以爲熱。而投之冷藥。豈不傾人性命於頃刻哉。病有

似寒而反熱者。若今壯歲之男子。志在淫邪。恣貪補藥。



以昏求色慾。熱藥所攻。榮衛結滯。上氣有餘。下氣不足。上下之氣不相交際。腳膝痿弱。行步無力。兩足多冷。或時增寒。肌體黑瘦。飲食減少。才喫鹹味。即便惡心。醫者治之。不過曰此五藏六府之虛弱也。投以暖藥。譬猶抱薪救火。與甚亡益也。才以清涼之藥。解利肺經。散其毒熱。上攻之。氣榮衛一通。則其陰陽之氣。仍相交際。手足自暖。腳膝損輕。而平復如故矣。此所謂似寒而反熱也。以上似熱似寒夫歲陽太過。天地不無旱乾之災。歲陰太過。天地不無水潦之患。以虛生寒。以實生熱。則人之藏府。不能無兩寒兩熱之相攻也。若今傷寒。所謂陰毒陽毒之類。皆兩寒兩熱之相攻者矣。以上兩寒兩熱哀哉。色慾無厭。喪

身之本。世人多以迷心。恣其所欲。反餐毒熱之藥。以希苟活。其丹田髓海。雖已空虛。而藏府骨槽。虛熱轉盛。此病之所生。不能無有餘不足之相礙也。若今人之患大腸祕澁。或五六日。或十日出後不通。小腸虛憊。日夜五六十次。每次小便。仍有一盞半盞已來。其清如水。忽時黃色。臨小便時。其痛難忍。甚則心神煩躁。此肝心脾肺四藏之毒熱有餘。而腎與小腸主氣不足也。脾肺心積熱。則腸乾澁。腎與小腸虛憊。則水道滑。肝心積熱。則其血沸溢。甚則血黯黑。熱毒之氣。如煙如霧。填在中焦。因其小腸虛憊。水道乘虛。只行於小腸。此所以小便雖清。其痛難忍。其病有似於淋。而非淋疾。天下物理。有似是

而非者。正謂此也。醫者治之。投暖藥以固小腸。則滋其  
肝心熱毒之氣。而痛愈加。下涼藥而通大府。則藥隨水  
道。只行於小腸。而病愈盛。冷熱之藥。俱難以進。此有餘  
不足之相礙也。治之之法。當以通氣藥爲湯。洗其穀道。  
先引其五藏之氣。歸入於胃。使其湯水稍隨氣而下。入  
於胃。第二度使水漸取得一兩箇。下氣相次加藥。取得  
些小乾糞氣。歸大腸。所餘湯水亦隨氣行。歸入大腸。則  
未喫小腸氣藥。而小便自止也。漸次使藥通其肝心熱  
毒之氣。使出後稍通便。下藥取其熱毒。所取下物如半  
腐爛者。淤血之類。如此然後得其病根之稍減也。所下  
之藥。具在方中。此謂治其不足有餘之相礙也。

以上盛衰相礙

吁醫術如林。余之所得。芽孽而已。醫道如海。余之所得。涓滴而已。因其所得。雖無寸長。稽其用心。實非古人之形於筆舌者。今略舉數條。論之於前。以明醫道之大略而已。蓋因人之風氣。之益。之數。之。之。

二曰 涎論

論曰。舟非水不行。然波濤沸溢。則覆舟之患生。人非氣不活。然痰涎併積。則傾人之患至。波濤非自生也。其所以生者。不平之勢作之也。痰涎非自積也。其所以積者。不順之氣留之也。故善行舟者。不懼波濤。而懼舟之不。完善攝生者。不懼痰涎。而懼氣之不順。故世人之病疾。其所以殘傷性命之急者。無甚於痰涎。而世之醫者。乃

有見之而不能識。或有識之而不能治。此不幸之人。其  
殘傷天橫者。不可勝數。何則。舉天下之人。獨知風氣之  
有涎。不知藏府冷亦生涎。熱亦生涎。痰涎一生。千變萬  
化。而病之所起。非特一端。愚今略舉數端。明之後之學  
者。於診療之際。類而推之。亦庶幾其疾病之徒。無天橫  
者矣。夫涎之爲名一也。而具數種。一曰風涎。二曰熱涎。  
三曰冷涎。四曰病涎。五曰虛涎。六曰毒涎。以上總提其一曰  
風涎。蓋因人之風氣之盛。上運於涎。不能下入於胃。風  
氣一蒸。痰涎併起而上。填塞胸中。即使人悶倒無知。其  
風氣久而不順。性命之傾危。速如反掌。若其風氣未盛。  
逡巡之間。仍復自順。其涎亦隨氣而下。即平復如故。此



蓋人之肌肉厚。湊裏深。風不得泄於外。風熱內攻。大府  
祕熱。毒氣上攻。遂生斯疾。此名之曰風涎。然風涎之爲  
名一也。而人藏府之虛實不同。則涎之爲病也。變化不  
一。愚得以命其變而言之。若今人之病。大府實熱。痰涎  
滿口。吐如清膠。胸中喘息如常。但湯水飲食。俱不可進。  
凡所飲食。只到喉中。卽不能下。用力嚥下。卽喉中隔絕。  
喘急悶倒。良久方愈。惟進得些小膠粥。此亦風涎之候  
也。然風涎之候。變不同。則當如何而治之。曰善除荆棘  
者。先斷其根。善治風痰者。先順其氣。人身無倒上之涎。  
天下無逆流之水。今風痰一上。而填塞胸中。傾人性命  
者。風氣運而上也。今之治風涎者。多使天南星半夏之

類。是不知病之源流。去荆棘而不除其根也。苟能以藥先順其風氣。兼發其湊理。使其風氣得以發泄於外。順行於內。則其胸中之痰涎。自隨氣而下。未喫涎藥。而痰涎自順矣。然病勢之有輕重。則取之有緩急。若風氣炎盛。膠涎併起。其氣卒難。以順之者。當治之以急。非吐之不可。風氣未極。痰涎未併。爲害未深者。當制之以緩。先順其氣。而後治其涎也。此亦治涎之大約也。然風涎之候。又有冷熱之不同。或有寒風所中。冷涎所聚。其人必先於半年或數月前。喫食減少。身體沈重。筋脈痿弱。才見肉味。便覺惡心。非時口中一兩點冷涎出。身不自覺。冷涎所併。忽悶倒不知人事。良久復蘇。卽生麻痺。或生

譚曳或失音不語冷涎所積少有上併多聚中焦盈溢

胸中包裹心絡能使人狂言妄語神識不定非特不覺

承上身不自覺謂神識如癡不能自主也手臂忽自舉動如此爲冷涎之所

中也治之之法先以溫暖之藥散其冷毒之氣急以熱

藥發其湊理然後以治涎之藥取下其涎雖且暫安而

寒風所中於人亦甚不久何則熱風中人如天地春夏

之風長含生氣以養萬物其人雖病難死此古人所謂

風所以能養人也寒風所中於人如天地秋冬之風長

含殺氣以肅殺萬物其所中非久必死此古人所謂

風所以能害人也以上風涎挾冷其二曰熱涎若今有取性之

丈夫多餐葷膩好食鹹酸以色爲心态貪補藥忽因醉

平生或一

酒房室勞傷其精。丹元髓海。雖已空虛。而藏府骨膈。虛

熱轉盛。其涎所積。隔在中焦。因其腎藏之虛寒。邪氣與

熱涎相交。發為疼痛。此心胃急痛或臍腹痛也重則不移時而傾人

性命。醫者治之。不過曰此肝腎之氣。是不知熱涎乃病

之根本。然京三稜蓬莪菝并能治氣。而世人用而不驗

者。不識其病之源流也。善為醫者。臨事制宜。隨機應變。

審當輕重。涎多者吐之。涎少者下之。所用之藥。偏取肝

家之風毒。又何患乎人之不安哉。以上熱涎三曰冷涎者。若

今人之肝藏有餘。脾氣不足。復因使性。長懷淤怒。傷損

肝心正氣。此冷涎之所以生也。脾氣不足。復因肝氣所

乘。伏而不動。停水滯穀。久而不化。肝心長懷淤怒。則其

氣滯澁而不行。此冷涎之所以積也。然肝生風。性之不定。忽時而作。肝主怒。怒則氣逆。此冷涎之所以隨氣而上。而生人之大病也。診其候而言之。則其病必先聞心前憤亂不快。相次聞有一物隨氣而上。觸至咽喉。卽悶倒。不知人事。手足肌肉漸次寒冷。逡巡復平。愈治之之法。當以吐藥取之。得其所取之涎。其清如水。其冷如雪。取涎之後。復審其藏氣。隨其所病而調和之。亦無患乎藥之不驗也。以上冷涎四曰病涎。其人必好食堅硬之物。傷損脾氣。或因淤怒。傷損心肝正氣。或因寒邪熱毒之傷。或因大病之後。餘毒客在藏府。其氣結澁昏滯。不能宣暢。是以痰涎因而聚積。涎與滯氣相交。往往發爲疼痛。



此名之為病澁者也。明其病證在心前痛。輕則連年累  
 月。痛無暫停。重則傾人性命。速如反掌。重輕之殊。澁之  
 多少也。治之之法。當在量其病勢輕重。以利藥取之。輕  
 則其澁如油。重則其凝如白膠。取澁之後。然後使藥調  
 其藏氣。益其正氣。使之平復如故也。以上病澁五曰虛澁。其  
 人必因受氣之虛。或因大病之後。生冷所傷。或因疾病  
 之間。淫慾不節。致令藏府之氣。空虛。竄乏。而骨膈之間。  
 虛熱上蒸。上氣鎮長有餘。鎮長即常黨也。猶言坐定如此。下氣但常不  
 足。陰陽之氣。不相交際。不順之氣。隔在中焦。是以虛澁  
 因而積聚。風熱一攻。即其澁併上。初發作時。先覺清澁  
 滿口。漸聞心前有一物。上觸咽喉。即喉中急促。悶倒不

覺兩手相亂把拽風氣極上卽頭上癢忽皮臍間痛遂  
巡風氣順下乃遂平復治之之法當以臨發時使五分  
利藥取之以其胃氣不足不可十分利吐也若利吐不  
出非時以壞風涎藥攪之候分數少減卽於氣海上安  
之一灸引其涎下入於胃然後使藥調其藏氣酌量其  
藏府之虛實有餘者瀉不足者補令上下之氣相等可  
庶幾其全安也若脈氣微細大府虛冷減其肝氣益其  
胃氣斯可矣若小兒得病者全是胃氣之虛氣海上安  
灸補暖脾胃以愈斯痰仍不時輒喫取風涎藥也以上  
六曰毒涎若今人之患陽毒傷寒肝心脾肺受其疫毒  
之氣因其毒涎相積聚在中候其證卽使人大府祕熱

小便黃澁。面色黯赤。渾身發熱。昏昏如醉。狂言妄語。不知人事。如此之候。悉皆是涎。診其脈氣。又卻沈伏。重手取之。骨閒乃得。此乃疫毒之涎。盈溢心胸。伏其脈氣。非脈氣之與病相反者也。此所謂毒涎者矣。治之之法。急以疎轉之藥。取其毒氣。蕩下其涎。是伏脈有用下法者。雖伏必隱。隱洪大有。也。所下之藥。須心肝脾肺四藏俱治。然當以肝藏為主。偏下肝藏之藥為要也。以上毒涎。肝藏為主。是重在疏理血分。雖然涎之為病。千變萬化。其狀不一。是今之所舉數端。止其大略而已。後之學者。類而推之。加以識見之明。而診療無差。亦無患乎涎為人之大患者矣。

治涎諸方

凡人得只有此方內一件一句病證。

皆可喫此藥

治一切丈夫婦人風涎所積。非時急飢。見食卽飽。心中  
嘔逆。一切飲食都不聞味。口中涎溢。唾如濃膠。急卽吐  
逆。食不住腹。面色青黑。肌肉乾燥。唇皮焦赤。忽時黑色。  
兩脇下氣跳。忽衝脇下跳。戰轉入背。胛痛遍身。肌肉忽  
時戰跳。兩臂沈重。忽如有物壓著。夜閒都睡不著。忽如  
有物上觸咽喉。卽昏悶不醒。須臾仍卻無事。忽時如有  
物纏繫腰背。忽時有物橫在背上。腰背疼痛。忽滿口生  
瘡。忽時下赤糞。忽時泄瀉不定。頂上燥熱。小便赤色。通  
身發熱。眼包勁急。忽時心躁熱。上攻胸額。發汗如水。忽  
時項上皮肉閒疼痛。不可忍。忽時心前脇下迸重。如懸

一片物。忽聞重處。非時麻痺。忽身上肌肉積塊。連綴疼痛。不安。忽時頭面小腹兩腳都腫。若是婦人。連陰門腫。忽起兩眼逆痛。視物不明。若有此候。月水不行。通得月水。方爲安效。忽時聞在兩脇下起。衝入胃管。上築咽喉。昏悶不安。須是開口仰項吐氣。方得稍快。忽時如有亂蟲咬心肝。不可眠臥。忽時聞氣在手指足指甲起。相次聚入胃管。即便大發熱。昏絕不省人事。須吐氣千百聲。良久方蘇。如此是藏府有積毒風涎之所致也。凡人不安。有此內一件病證。皆可進服此藥。但論輕重。加減服餌。喫此藥後。四肢入節肌肉毛髮。俱軋軋然有聲。卽藥之驗也。此涼藥也。喫後大府反熱。卽取瘥之證也。此病



有根受之太深。此藥不輟進服。徐徐減病根。若病勢濃者。急灸肝俞。減其風氣。若是大府結澁。更添下面藥數味。喫安效。若是太歲遇六壬丁卯己亥之年。常有此候。己巳己亥年。其病尤甚。若遇己土年辰。雖無病之人。亦可喫此藥。免得生病。

治風氣取涎方

荆芥穗

麻黃

去根

薄荷

羌活

連翹

防風

獨活

芍藥

木香

乾蠍

僵蠶

去絲各三分

牽牛

半兩

半夏

三銖

山梔

一分

以上細擣為末。每服二錢。食後煎生薑薄荷湯調下。和滓服。若是大府祕熱。膠痰滿口。喉中噤藥不快。只

請去滓喫候風氣少利。卽和滓喫也。若是大府祕不出後。卽用大黃一分。半夏三銖。牽牛一兩半。共三味。擣羅爲末。作一處。每服用上面藥末三錢。牽牛等末三錢。共計六錢。滴熟水丸如梧子大。爲一服。巳午時葱湯下。大府尙不通。忽穀道中痛。糞不下。卽用皂角牽牛二味。擣羅爲細末。筆管盛。內於穀道中吹之。翦去指甲。用指頭穀道中撥取乾糞下也。

### 痢論

夫痢之爲病。世人所患者多。然方冊所載者。未嘗有必驗之方。古人所談者。未嘗有卓然之論。服餌之間。世人天橫者。莫知其數。此聖人名方爲大奇。後之學者不能

思而自得之也。若今有人得一名方，自以爲神傳聖惠，應效不測。然有一人服之而滅，未可圖其必然之驗也。此愚以方冊所載者，未嘗有必驗之方也。以赤爲熱，以白爲冷。醫者之辭，萬口一說。此愚以爲古人所談，未嘗有卓然之論也。何則？以赤爲熱，以白爲冷，赤白爲冷熱，不和獨知大綱，而痢之有變化重輕之別，得其粗而不得其詳，知其一不知其二者矣。夫痢之爲痢，一名而具八種：一曰白痢，二曰赤痢，三曰赤白痢，四曰水穀痢，五曰血痢，六曰疫毒痢，七曰休息痢，八曰小兒疳痢。此皆受之不同，治之不得不異。索其詳而論之，則其痢之爲病，雖變化輕重之不同，然亦歸之脾氣之虛而已。嘗論

萬物非土不生。五行非土不載。五藏非脾不養。脾者中州之土。能化腐水穀。運滋味於肌膚。行糟粕於大腸。脾藏溫和。而諸藏之有冷熱不調。卽自生他病。不爲之痢也。是故赤痢雖熱。本因脾胃之虛。赤白相雜。雖爲冷熱不和。而又有輕重之別。若今人之下赤痢。先轉數行。而後有赤痢之變。若以赤痢爲熱。何乃有先轉之說歟。以赤白爲冷熱不和。而復有赤少白多。赤多白少。能無輕重之別乎。此病有變化之不同。予得以命其祖而言之也。以上總提一曰白痢者。五藏傷冷。脾胃極虛之所成也。其得之重。出後如雞卵清。如魚腦漿者。腎有所傷也。急以補脾腎藥以暖之。加以船上硫黃丸。無問多少。空心卽

服以止爲度。蓋病勢之重。治之不可後時也。以上二曰

赤痢者。三焦之熱血有餘。而脾腎感寒之所成也。夫肝

心積熱之人。多食生冷。愛喫涼水。口之所納。都聚於脾

腎。寒溫之氣所傷。而肝心氣變。血損於中。此肝心之血

乘脾之虛。滲入大腸。而赤痢者也。先服解寒氣藥。次喫

暖脾藥。其治之如反掌爾。以上三曰赤白痢者。心肝血

損。而脾之與胃。藏府皆虛之所成也。脾氣之虛。則肝氣

相乘。胃氣之虛。則停水滯穀。凝而爲涕。肝氣乘脾氣。則

肝心之熱血。乘脾之虛。滲入於大腸。與胃中之涕。相雜

而下。此所以爲赤白也。或有赤少而白多。或有赤多而

白少。或有赤白相等。此受病有淺深。下藥有輕重。當在



臨時度宜。隨機應變。不可差之分毫也。愚初以謂赤多

而白少者。清利肝氣。疏理血脈而輕暖脾胃也。行滯氣白多

而赤少者。微清肝心之氣。而甚暖脾胃也。赤白相等者。

微利肝心。平益脾胃氣。而自愈。但發寒熱為最重。方見

痢方中。以上赤白痢四曰水穀痢。其人多飲涼水。忽餐生冷

之所成也。所下之痢。悉皆黃色。忽時下白沫。治之之法。

補暖脾胃。而其疾自愈。以上水穀痢五曰血痢。其人多淤怒。

因更相歐擊。或因三焦熱極。驟食生冷。脾胃損虛之所

成也。所下之痢。多黯赤色。無寒熱者。清其肝心之氣。而

疾自去矣。以上血痢六曰疫毒痢者。毒氣所傳。一坊一境。家

家戶戶。更相染易。無有不病。凡下痢之時。或先發寒熱。

或先轉數行。所下之痢。渾是赤色。濃如膿涕。或時半盞下。濃血腹中刺痛。或心中煩躁。三焦否隔。全不思食。此名爲疫毒痢也。然則疫毒所主五藏。從何而得。經言春若傷陽。夏必人多瀉痢。此疫毒之根。先受之於肝也。夫春氣本和。而反傷於熱。此陽氣所勝。肝家受熱。而其氣有餘者也。經言五行受病。必先傳其所勝。則肝之得病。必先傳之於脾。而世人於夏月之間。多食生冷。傷損脾氣。脾氣虛。肝邪得以乘之。而脾受肝邪。伏而不動。莫能消水化穀。此疫毒之痢。必先轉數行。而後有赤痢之變也。先轉數行者。脾受邪。而脾已生病也。後有赤痢之變者。肝之血熱。乘脾之虛。滲入大腸。而爲赤痢也。中間忽

有赤白相等者。此肝之毒血雜胃中之寒涕也。若發寒

熱方見痢方中。有白少而赤多。或白多而赤少。肝之邪

毒。有輕重之不等也。以上瘦毒痢七曰休息痢者。蓋患痢之

人。其治痢之時。不能解肝邪。而肝家餘毒之所成也。脾

藏久受肝邪。則不能強健。消化水穀。是毒痢之所下。纏

綿久遠而不效。此所以為休息也。以上休息痢是餘入邪伏結於血分也

曰小兒痢者。蓋小兒肝受熱。而相刑於脾之所成也。肝

之刑脾。則所下之痢。全是赤色。或赤白相雜。至脾之自

受疴氣。則骨肉消瘦。所下之痢。多黃涕白沫。少有赤色

相雜也。以上小兒疴痢是病乳食停滯日久血脈痠痺所致與休息痢同治用開肺氣破肝血加補脾

腎藥如此數端。亦治痢之大略而已。至於醫道之淵微。愚

不能知其妙。蜀地溼熱最盛。氣血多滯。時疫毒邪。易於深伏。發為痢疾。表裏俱病。與兩感傷寒同類。先生獨出手眼。創立諸方。理法極精。大旨不外宣衛調營。解血通絡。消腫化滯。強筋堅膜。

### 治痢諸方

治脾胃虛冷。停水滯氣。凝而成涕。所下之痢。渾是白涕。宜喫此方。初得痢時。並無壯熱。頭痛。方可喫此藥。

船上硫黃一兩。細研如塵。

右以白麩一分。鍋內炒令熟。放冷於乳鉢內。與船上硫黃末同研令勻。滴熟湯丸。如梧桐子大。每服五十丸。以止為度。空心溫米湯下。若初得痢時。身壯熱者。卽不可喫此藥。

治脾胃氣冷。相刑於腎。土水相攻。寒溼交爭。所下之痢。

全是清涎。有如雞卵清之類。宜喫此方。將舶上硫黃丸相閒服。

石斛去根 白朮 吳茱萸 續斷 草豆寇去皮

芎 乾薑 茯苓 防風各一分

訶梨勒逐箇麵裹火炮熟去核只使皮秤半兩 牡礪一分火煨通赤

右以上細搗羅為末。煉蜜丸如梧子大。早朝空心温

米湯下。五十丸。空心服。有壯熱。不請喫。

治三焦壅熱。其血流散。乘脾之虛。滲入大腸。而所下之

痢。盡皆赤色。別無白痢相雜。並不壯熱。亦無心腹疼痛。

診其脈上都洪大。脾脈外鼓而沈大。宜服此方。候上焦

氣清。赤痢消滅。或變成白。或赤痢減後。卻聞得小腹逆



脹。卽便修合後方喫。取平安。

麻黃去根

防風

麥門冬去心

獨活

前胡去毛

木香

牡丹皮去心

荊芥穗各一分

蒲黃四銖

右爲細末。每服二錢。食後熟湯調下。去滓服。候赤稍減。忽變成白。忽聞小腹膨脹。卽修合後方喫也。

治赤痢喫前方了。或變成白。或已效可。或聞小腹膨脹。宜喫此方。

宜喫此方。

防風

甘草炙各一分

芎半兩

木香三銖

訶梨勒

麵裹火炮熟去核只使皮半兩

右爲細末。每服一錢半水一盞煎取九分空心和滓

喫

治水穀痢。所下痢並無赤色。只下黃涕。或時下白沫。飲食減少。肌體黃瘦。宜服此方。

訶子

麵裹火炮熟去核。只使皮一兩。

黃橘皮

白朮

芎

各半兩。

甘草

四錢。

肉豆蔻

一箇。

船上硫黃

一兩。細研。

右搗羅爲細末。用船上硫黃相和令勻。用薏苡仁作粉煮粥。丸如梧桐子大。急火炮乾。每服五十九。空心溫米湯下。須是焙乾。莫令損藥氣。

治血痢。所下之痢。渾是鮮血。忽有黯色。據候多因使性。癡怒傷損肝心正氣。或因事爭打。傷損經絡。致有斯疾。

桑寄生

一兩。

獨活

木香

甘草

炙。

芎

牡丹皮

去心各一分

右爲細末。水一盞。煎取八分。非時喫。每服二錢。

治疫毒痢并論

痢藥須子細對證用之。取效如神。大抵此一集方。無不精妙。但要病藥相對。

凡疫毒痢。一方一境。家家戶戶。更相染易。無不病。緣疫毒之痢。非獨一般。證候多端。根源奇異。雖神農岐伯。尙以爲大奇之病。後之學醫。未識其祖迹。豈知其津涯。但言白痢爲冷。赤痢爲熱。赤白爲冷熱不和。不知有何經證。以白爲冷。偏下暖藥。幸亦無差。以赤爲熱。不知熱從何藏。愚者妄言。不過曰熱從肝心。因何無涼。肝心必驗。

言身事之方 卷一  
三  
之一方。定治赤痢。以行於世。以赤白爲冷熱不和。又不  
知指稱何藏。患者妄言。不過曰冷熱氣不和。復不知因  
何無和氣藥一方。定可用治赤白痢。以存之方冊。醫家  
自不知病在五藏。從何而生。只務檢方行藥。幸而偶有  
所中。人且獲安。不幸而差之毫釐。所投之藥。乃暗中與  
戰。但病者不見痕迹。所傷無能知覺。觀之得不寒心。吁  
神農之後。世世學醫者。未明天地之氣候。不識五藏之  
應變者。不能知常病之源流。豈足與語奇病之變化。是  
以痢之一病。方冊所載。古人所談。未嘗有一言一句。略  
明其粗。予嘗探尋五運之氣數。稽諸天地之變化。推步  
六氣之行度。參考脈氣之纏注。以天驗人。以人應天。痢

之一病。億萬分中。少知其一二。但以其變化之間。獨可  
神悟。難以言窮。筆舌之間。不能曲伸其旨。使後學者洞  
識精微。而無悞人之性命。深以爲恨。今但子細陳其粗  
迹。以爲後之醫者筌蹄。在詳審而用之。適足以知我之  
用心。誠爲愛人之切爾。

經言春若傷陽。夏必人多瀉痢。此之一節。無問太歲。但  
一春之間。早有炎暑暄熱之化。至於夏月。忽生瀉痢之  
病。通其肝氣。其病卽愈。但兩三蓋無驗。更不請喫。若少  
有效驗。喫之以效爲期。蓋痢之一病。證候多端。藥中其  
源。卽便安效。故無在於多喫也。切慮世醫誤認證候。妄  
投藥餌。以傷性命。但患痢之人。所喫之藥。兩三蓋不見



效驗更不請進服。今自有方。具其變化之候。備別於下。更在詳擇而用之。永無差誤。緣疫痢之狀。變化多端。子請以太歲推之。

子午之年。君火司天。土性生金。火性制金。土火交生。溼熱相搏。則宜其土有所潤。火有所瀦。火氣見鬱。心氣內傷。乃生赤白血痢。寅申之年。相火司天。土火並化。氣味交通。與此同候。丑未之年。太陰司天。土化流行。土火交通。濕熱並至。子母同化。性不相侔。溫濕攻心。脾鬱心氣內變。血淤於中。注下赤白。且子午年。寅申年。丑未年。火土之司天則異。而氣化之生病則同。何也。答曰。夏秋相交。火金相繼。土之一氣。常遊於其閒。土有所潤。暑有所

溲。然後金生。是以火土二位。氣位交通。事理相混。其所  
以司天之歲。雖殊。相鬱而生痢。則一也。方見下。

卯酉之年。陽明司天。金行其令。氣化淒清。人少脾病。六  
月七月。水火相犯。八月九月。金木相攻。水之與木。一化  
有餘。赤白下注。從此而生。是歲君火司地。少陰在泉。火  
能制金。一巨於歲中。火淫所勝。谿明郊野。則水化來救。  
寒熱更作。人即病。赤白注下。巳亥之年。少陽在泉。相火  
司地。與此同化。然君火之化善。相火之化惡。善則傷人  
遲。惡則傷人速。治之同法。方並見下。

辰戌之年。太陽司天。水化流行。寒邪犯心。血氣內變。傷  
損於中。因而下注。赤白。此病世之罕有。蓋傷犯人之急。

也。但辰戌年之痢。發熱如火。當痛。所下之痢。如紫草水。

如膠涎。如茶腳。不急治之。其亡也。如反掌。方並見下。疑痛

當作病連下為句  
或痛上有脫文

巳亥之年。厥陰司天。木化流行。土木相交。風濕相爭。脾

土受邪。此肝之熱血。乘脾之困。滲入大腸。而生赤白瀉

痢之病。方見下。

已上。天地氣候推之。未詳。予請以五運之政推之。

甲子甲午。濕化有餘。丙子丙午。寒運太過。庚子庚午。上

受天刑。必有水救。已上年辰。天地相過。剛柔始交。月氣

是水。與天相犯。水火相持。以為一年病始。更遇寒濕之

運。與水相助。或受刑之運。有水相救。已上年辰。歲半之

前多有清肅之化。至於夏月。氣候反寒。寒熱交爭。乃生赤白之痢。爲此寒濕犯火得之。與常例不同。自有方在下。子年爲甚。而午年少減。若寒化偏多。陽化少舉。乃生寒瘧傷寒。麩瘡之病。痢疾乃加。

戊子年上爲天符。戊午年天符歲會。氣以之詳。人以此。寧一旦寒濕之氣。少犯於心。忽注下赤白。人多患暴死。有此證候。治之亦與甲丙年同。議者謂戊子戊午年。天氣運氣皆是火。今乃言忽有寒濕犯心。何也。答曰。子午之上。有戊己之土。當有寒濕之化。與火相持。然後使金得而生。此戊子戊午年。亦疑有寒濕之化。相犯於心也。經言中執法者。其病速而危。中行令者。其病徐而持。中

貴人者其病暴而死。蓋以此也。經意謂人申於執法之氣行令之氣貴人之氣。

非別有邪氣申執法行令貴人也。

壬子壬午。木運相助。風熱大盛。木能制土。脾乃受邪。若此歲中。忽有大風炎熱之勝。人生瀉痢之病。其鬼在肝。方具於下。然子午之歲。地之初氣。寒邪與天相爭。丙丁之位。與戊己共居。若於歲中。反有寒濕之化。所生之痢。治之亦與甲子丙午年同。

甲寅甲申丙寅丙申戊寅戊申庚寅庚申壬寅壬申年。氣候大約與子午年同。所生之痢亦同法。方並見下。

乙丑乙未丁丑丁未己丑己未辛丑辛未癸丑癸未己上年辰。每一年之運。各管三氣化。乙丑乙未。金運本涼。



以其氣之不足。反與少徵同化。然火土交味。太陰所寓。熱化並行。濕熱相持。心氣內鬱。血損於中。注下赤白。或火之不常其德。侵傷其不足之金。則水必相救。寒邪犯心。因而生痢。此乙丑乙未年之痢。或有以土之鬱火而生。或有以水之犯心而成。其受病臟腑雖不同。然土水共胞。寒濕同化。則其治大同而小異也。方並見下。經言其運涼熱寒。蓋以此矣。向下準此而推。

丁丑丁未。木運正風。與天土相犯。然以氣之不足。反與少商同化。若於歲內。金之不常其德。多有清肅之化。則火必相救。炎暑將至。與土相持。而濕熱相交。血氣內損。乃注下赤白。然丑未之年。天能制色。土將犯木。木雖不

足。而其怒無時。忽若風化大來。土木相戰。則肝發傷脾。此丁丑丁未年之痢。或起於肝。或生於脾者矣。方見下。經言丁丑丁未之年。其運風涼熱。蓋以此也。

己丑己未年。天符歲會。氣以之詳。物以之寧。人以之安。然太陰之味。先苦後甘。氣化相交。土性生金。火性剋金。忽於歲中。火土相攻。心血內變。痢疾所生。人多暴死。此

蓋邪之不可侵傷於貴人也。經意是謂貴人之化。失其常度。變為邪氣。中傷於人。

當暴死也。解作邪傷貴人。未合。方見下。遇此年辰。常喫調和脾氣藥。以

安貴人。是服食之宜也。

辛丑辛未。水運不足。雖上受天刑。然下加太陽。反歸平氣。是歲天土地水寒濕偏多。火氣見鬱。若有痢之疾生。

其起在心。其鬼在於脾腎。方並見下。

癸丑癸未。火當其運。其氣不足。反與少羽同化。是歲太陽在泉。寒氣不減。寒濕更作。火氣見傷。痢之所生。其病在心。其鬼在脾腎胃。方並見下。

寅申之年。大約與子午年同。但相火之政暴。遇其獨勝。則其害立至。若與水土相犯。其候變證多端。方具於下。乙卯乙酉年。金運不足。本與少徵同。然乙在卯上。爲天符。反歸平氣。在酉上。爲三合。名曰貴人。耶不可犯。然是歲。金位在上。火位在下。名爲逆化。金燥交合。切忌火氣之勝。若火有所勝。水必來救。此年忽有痢疾之生。天氣炎熱。病起於心。氣候清寒。病起於腎。方具於下。

丁卯之年。木運不足。下加於卯。雖上受天刑。其政不減。是爲歲中忽有風熱之勝。痢疾之生。其鬼在肝。丁酉之年。木受天刑。然是歲火司於地。與木相得。忽於歲中反有風熱之作。方見下。

己卯己酉年。土運不足。然木受天刑。必難相犯。忽於歲中風濕交爭。痢之所作。其鬼在脾。卯年宜有此候。酉年差減。若有此疾。治之亦同。

辛卯辛酉年。水運不足。反與土同化。而歲水不及。火化妄行。與土相持。火勝則熱客於胃。多下赤痢。或作便血。土勝則溽火。而注下赤白。是歲若有痢疾之生。一起於心。一起於脾。有方治之。具見於下。

甲辰甲戌丙辰丙戌之年。寒濕過多。火氣見溽。庚運之年。清化亦甚。是歲運氣與天水相生。與地土相得。巳上  
年辰。痢疾之生。切爲大害。不可妄投涼藥。

戊辰戊戌之年。水火相戰。壬辰壬戌之年。土木相攻。所  
生之痢。其證自各不同。方具於下。

乙巳乙亥之年。金運不足。無能與天相犯。乃與少徵同  
化。丁巳丁亥之年。上爲天符。木化之甚。

己巳己亥之年。木能制土。脾將受邪。辛巳辛亥之年。水  
運不足。與土化同。土木相攻。脾氣偏弱。癸巳癸亥。不足  
之火。與天相得。與地相符。火政不減。是痢疾所生。起在  
肝心。方並見下。



已上以運言之。猶且未足。予請以六氣推之。

子午年丑未年寅申年四月五月火土相交。辰戌年四月五月水火相犯。巳亥年四月五月水土相攻。卯酉年四月五月金火相持。水若相救。卯乃犯心。子午年六月七月土火相鬱。卯酉年六月七月水火相犯。辰戌年六月七月土木相攻。巳亥年六月七月火土相持。已上年月忽生痢疾。皆隨其月氣相攻而成也。善爲醫者先治其鬼。其病自愈。議者謂六氣推遷於十二月中各紀一步。今獨舉四月五月六月七月兩氣。以言痢疾何也。答曰。夏秋相交。火金相繼。土水二化。長遊行於其間。土寄於巳。所以生金。火位於申。所以制金。水生於申。所以救

金然後夏秋有相承之理。五行六氣。玄妙從此而著。人之痢疾。從此五行玄妙中生。是故聖人名之曰大奇之病。予故陳逐年四月五月六月七月之氣候以言之。其餘他氣生痢。皆倣此而推竊以六氣之政化見之。未詳予請以脈候明之。

若今人之下痢。服涼藥暖藥皆不驗。診其脈脾脈一指外鼓而沈。此名腸澼。其候非藥力可治。久當自效。但世人。有患不驗。纏綿經久。卻因亂喫一般物。便得安效。此乃正腸澼之候也。

今有人患痢。診其脈肝脈一指小而緩。此病輕。治即愈。今有人患痢。診其脈腎脈一指小而沈。所下之痢皆是。

血痢。此之一病。受之非常。治之亦難。血溫身熱者死。方亦見下。

今有人患痢。診其脈。肝心脈脾脈皆微細。不瀝不絕。所下皆是血痢。藥到便安。

今有人患痢。其脈微小。再三尋之。又沈而瀝。此之一候。若下白痢。其勢雖重。庶幾可治。若是下血。切忌發熱。通身發熱者死。熱見七日死。

已上所陳。雖未足以達痢之淵源。亦足以明其粗迹。議者謂如子所言。自甲子至於癸亥。每六十年中。未嘗有一年不生痢疾。今世人患痢疾。於數年中。間或止。有一年。其故何也。答曰。六十年中。未嘗有一年無水土相攻。

未嘗無土火相鬱。未嘗無水火相犯。但五運之政。譬如  
權衡。一年間五氣行數。更相承制。得其平等。則其疾自  
然不作。忽若一氣太過。一藏有餘。痢疾之生。應不旋踵。  
予故備陳其粗。以開後學之未悟。庶幾診療之間。無差  
悞之過者矣。但毒痢傷人。不一。惟水邪犯心。爲重。世人  
初患痢時。先發寒熱。投藥治之。其勢不退。發熱太甚。食  
則嘔逆。下痢不止。心熱如火。只要入涼處。只思喫冷水。  
狂走。渾身肌肉疼痛。著手不得。此血脈全痺也此候十難治。其  
三四也。治疫痢方。須是子細首尾讀此方論。令分明識  
病根源。然後喫藥。但毒痢初得時。先發寒熱。忽頭痛。忽  
肚熱。忽轉數行。便下赤白相雜。忽止下白痢。忽先下白

痢。後變成赤痢。忽先下赤痢。後卻變成白痢。宜喫此方。但初下痢時。先發寒熱。頭痛。卽是寒邪犯心。寒氣犯心。水火相戰。故初得病。先發寒熱。水火相犯。血變於中。所以多下赤痢。如紫草水。如莧菜水。無色澤者。寒邪犯心之重也。先發寒熱。而所下之痢。止白色者。寒邪犯心之未重也。先下白痢。而後有赤痢之變者。寒邪犯心。其勢漸加也。先下赤痢。而後變成白痢者。寒邪犯心。其勢漸減也。赤白相等者。水火相犯。其氣相等。寒濕之氣相搏而成也。忽有赤少而白少。此寒邪之勢有多少。毒痢之病有輕重。以白多爲輕。以赤多爲重。治之之法。先奪其寒。則所下之藥一也。以太歲分之。則丙子丙午甲子甲



午庚子庚午丙寅丙申甲寅甲申庚寅庚申并辰戌之  
 年運遇丙甲及庚運所臨其害尤甚及丑未之年宜有  
 此候又更無問太歲蓋天地變化其候多端難可窮盡  
 今立此方但世人亦不必椿定太歲但看一年中春夏  
 之內多有寒肅之化陽光少見忽寒熱二氣更相交爭  
 忽於夏月多寒濕之化寒邪犯心所受之痢先發寒熱  
 先發寒熱後即壯熱蘊蒸不止遍身骨痛體重此濕盛  
 氣鬱血痺日久神氣昏明不時腎水枯涸心氣脫陷也  
 忽頭痛忽先轉數行後有赤痢忽赤白相雜忽止下白  
 痢並宜喫此通神散喫後取壯熱減退若兩三盞壯熱  
 不退更不喫此方自別有論方在下

麻黃去節 官桂去麤皮 甘草一分 大芎

白朮 各一兩 細辛 八銖

獨活 桔梗

防風 芍藥

白芷 各半兩 牡丹皮 去心

牽牛 各四銖炒

右為細末。每服二錢。非時熱湯調下。和滓熱喫。若喫三兩蓋後。寒熱不退。更勿喫。自別有方論在下。若喫此藥後。寒熱已退。赤痢已消滅。便修合第二第三方。藥喫之。取安效。若寒熱已退。赤痢未消滅。更服三兩蓋。然不可多喫。一日只兩蓋。候赤痢消滅。或變成白痢。漸次修合第二方。喫候出後。度數減少。便修合第三方。喫取平安也。但六甲之年。六庚之歲。春夏之內。時氣多寒。人得痢疾。此藥通神。若是六巳之年。丑未

之歲。濕化偏多。人得痢疾。先發寒熱。卽於方內添草  
豆蔻一兩修合也。又不問太歲。但一年閒。春夏之內。  
多寒。人有痢疾。先發寒熱。並宜喫此方。

治毒痢。初得時。先發寒熱。喫前方。寒熱已退。赤痢已消。  
減。宜進此方。還眞散。若喫前方藥。寒熱未退。赤痢未消。  
減。更勿進此藥。但天地變化。其候非常。痢疾證候多端。  
此不得不盡子細故耳。

訶子

五箇用麵裹火炮熟不要生不要焦得所去麵  
不使就熱咬訶子破去核不用只使皮焙乾

右細搗羅爲末。每服二錢。以米湯一盞半同藥煉取  
一盞。喫若吐出一兩口涎便佳。如此喫經數盞。大府  
漸安。出後減少。便修合第三方藥。喫以牢固大腸。若

言或專之方 卷一  
三  
喫前方藥壯熱未退。血痢未減。不請進此藥。

治毒痢。喫前兩方藥。病勢已減。所下之痢。止餘些小。忽青糞。忽如鴨糞。忽如茶湯。如濁油。忽只餘些小。淺深紅色。宜喫此方。以牢固大腸。還復真氣。船上硫黃丸。

船上硫黃

一兩去沙石  
細研如飛塵

右以薏苡仁二兩炒熟。擣爲末。與船上硫黃相和勻。滴水相和丸。如梧子大。空心以米湯下五十九。

治毒痢。初得時。先發寒熱。服前面毒痢方通神散三兩。蓋一日。或隔一夜。寒熱不退。下痢不減。分數通身發熱。所下之痢。多是濃涕。如桃花色。如紅米膠。每一次忽下。一蓋半。蓋已來。喫此藥二蓋三蓋。經一日。或一夜。寒熱。

不退。下痢不減分數。更不進此藥。若依法進藥兩盞。壯熱便退。下痢少減分數。卽請漸漸進此藥。每日只兩盞。候赤痢稍減。或變成白痢。卻修合上面還真散。喫取平安。且痢之有寒熱。其證一也。前方以暖藥解之。此方以涼藥投之。其說何也。答曰。水邪犯心。身能發熱。土濕鬱火。身亦發熱。肝熱刑脾。身亦發熱。以水邪犯心爲下痢。身熱最重證。而脾濕肝熱者次之。其實水邪犯心。而身能發熱。但腎水不枯。未見骨痛神亂。尙非危證。所最危者。肝熱灼腎。腎陰內竭。心陽外散。遍身骨理疼痛。體重肢痿。不能反側。神識清明。有時言語支離也。惟至精者識其秋毫之變。切恐世人未能通其妙旨。予因設此兩方。以救其失。然毒痢之傷人。惟水邪犯心最爲極重。但患痢疾之人。有增寒壯熱。先喫上面通神散兩三服。寒熱不



退下痢不止。然後進此藥。以太歲分之。惟六壬六戊寅申巳亥之年。宜有此候。而六戊之年。尚有差變。蓋火盛之年。必有寒濕相犯故也。然以六氣推遷不定。又不可局定年辰。但一年之間。春夏之內。熱氣偏多。濕化不舉。人有痢疾。肝脈絃。心脈洪。然後喫此藥。若喫兩盞後。不見效驗。更勿進服。蓋痢之所起。切忌水之犯心。不可妄投涼藥。故此方兩盞後無驗。更不可服。

荆芥穗

牡丹皮

去心

木香

白頭翁

芍藥

桔梗

防風

獨活

地榆

各一分

牽牛

炒一分

黃連

蜜浸一宿火上  
炙乾使三分

右爲細末。每服二錢。水一盞。煎一二沸。急寫出。食後

溫和喫之。此藥少見效驗。再可進服。以安爲期。然不可多喫。一日只兩盞。痢才住便得止。

治毒痢初得時。發寒熱。或微有小寒熱。或止腹痛。出後時。糞後有少膠涎。與赤痢相雜。卻自誤喫涼藥。漸漸下痢極多。從早至暮。但只思睡。早朝卽顏色枯瘁。身體稍涼。近晚至夜。卽面色赤。顏色光潤。下痢極多。皆是清涎。與赤痢相雜。通身發熱。不思飲食。渾身肌肉著床。則痛。據此候。宜當喫此藥。但身體大熱如火。與人相近。則熱氣逼人。其脈輕微。輕手取之。散滿。指下不分部位。全無骨力。指下如風。如氣重。手取之。指下全無。急用訶子五箇。炮制如下面法。擣羅爲末。爲一服。先用熱米湯調和。

滓熱服。吐出涎。脈氣方生。可進下面方。

白朮兩半 白芷 芍藥 大芎各一分

甘草四銖 訶子五箇。麵裏炮熟。去麵。咬碎。去核。用肉焙乾。

右細擣羅為末。每服三錢。熱陳米湯調下。和滓喫。

治毒痢。初得病時。並無寒熱。所下之痢。皆是濃血。或黯

血。左右三部脈氣皆微細。宜喫此方。

桑寄生兩一 防風 芎各一分 甘草四銖

右擣羅為細末。每服二錢。水一盞。煎八分。空心。和滓

喫。芎可改用荆芥穗。桃仁併炒焦成炭。

治赤白痢。初得時。並無寒熱。或患赤白痢。經久未效。別

無增寒壯熱。宜此方。

淡鼓 十箇

黃連

四十九枚每枚長一粒飯許

右件用新埧瓶一箇安藥在內以新片瓦蓋瓶口大火煨通赤後烟絕取出就熱研如飛塵每服二錢熱鹽米湯調下和滓服應是赤白痢無問赤多白少但身體無增寒壯熱者皆可喫此方

治赤痢或赤白相雜初得時並無增寒壯熱經及數日身體不熱只聞小腹內躁熱下血不止或止便血暖藥不見驗效宜服此方寅申巳亥年六壬之年宜有此候但喫兩蓋後不見效更不請喫此藥但脣皮赤或腫黯色小便黃白身體涼夜間則發熱如此卽肝熱刑脾之證也

荆芥穗 牡丹皮去心 白頭翁 地榆

芍藥 防風 枯梗各一分 黃連一分

牽牛炒熟三銖 木香三銖

右搗羅為細末。每服二錢。水一盞。煎兩沸。食後和滓溫服。須是一年之間。春夏之內。風熱太甚。分明識其痢疾。定是伏熱。方可進此藥。

治下赤痢。身體並無增寒。壯熱。此名肝心變滯。

黃連一兩蜜浸一宿炙令香熟 木香三銖

右為細末。濃煎陳米湯。調下二錢。食後和滓服。

治赤痢不止。其脈反微小。沈而又瀼。其身熱者。死。熱見七日死。此候極危。困但喫上面通神散。一兩盞發熱便。



退亦庶幾可治。亦修合上面還真散。舶上硫黃丸。喫取安效。若喫通神散後發熱不退。難治之也。

治患赤痢及赤白相雜。或因先寒瘧後變成痢。或因患痢後卻變成寒瘧。但疾痢時無問赤白。若有增寒壯熱。宜喫上面通神散。喫了壯熱已退。便修合還真散。舶上硫黃丸。喫取安效。緣此證候。乃水邪犯心。治之不可輕也。

桑寄生

半兩

地榆  
芎

防風

各一兩

人參

黃橘皮

各一兩

甘草

炙

木香

各三銖

白茯苓

半兩炒去尖

右為細末。每服二錢。水一盞。煎取八分。和滓喫。服經

數日外。仍修合暖益脾藥喫。

治小兒疳痢。所下之痢多黃沫白涕。但髮稀面黃腹大。

忽非時泄瀉不成肌肉。宜喫此方。

使君子

半兩蒸  
三度

訶子

一兩麴裏炮  
去核使肉

白蕪荑

葶藶

芎

檳榔

肉荳蔻

木香

各一分

右為末。每服一錢。半空心倉米湯調下。量兒大小服。

之。小兒疳即大人勞。但勞熱為虛陷。疳熱為鬱。積乳食寒濕裹結。過久轉成虛燥。血痺肉消。

治小兒肝受疳氣。相刑於脾。所下之痢多是鮮血。或是

膿血。或赤白相雜。宜此方。

防風

地榆

芎

白蒺藜

去刺各一分

使君子

半兩蒸四  
五回焙

木香

甘草

各三分  
銖灸

黃連

四銖 二十  
四銖為一兩

右為細末每服一錢半。非時或食後任意煎點冷喫。

此篇文重詞複若不憚煩者以疫痢傷人最重而蜀地尤重也。天地氣候皆偏濕熱。濕鬱熱蒸化為疫毒。中傷於人。氣滯血痺。在平日固已一身表裏全受濕邪。浸灌百脈俱困。其循環挹注機括已乖常度。一旦患痢。大氣直泄。四維不能接濟。勢將由痺而脫矣。凡人久居卑濕。或由西北高燥之地乍遷南方。又逢暑雨恆發。瘧痢重證。瘧猶氣血固結。痢乃氣血下注。若壯熱不止。脈絡凝滯。一任邪氣推盪。其何以堪。治法自宜注重血分。尤宜兼固元氣。行血活絡。所以解毒。強筋堅力。所以保元。通神散麻。桂辛芷并用。是急救水邪犯心。繼以訶子還真。散船上疏黃丸。先後自有步驟。學者須研究病氣為何氣。再參方法為何法。自有悟入。

雜療諸方

治痰嗽益真丸。

人參

黃耆

吳白朮

各半兩

木香

一分

熟乾地黃 六錢

鼈甲 四錢

當歸 去苗

白芍藥 白茯苓

阿膠 炒成珠子

鹿角霜 各三錢

桑寄生 二錢

枳實 炒一錢

右為細末煉蜜丸如梧子大非時清湯下三十九丸

日兩服

治氣弱腹結。

白朮 半兩

人參 一錢

大芎

甘草 炙

藿香 半夏

陳橘皮 各一分

茯苓 三分

草豆蔻 一分 薏苡仁

半兩 厚朴 三錢 酥塗炙焦

天南星 二錢 炮

右為細末空心水一盞薑三片棗二箇破之同煎七

分去渣服

治心氣動。肝脈虧。

桑寄生一分

茯苓

防風

獨活

甘草炙

槐角

枳實各一分炒

木香一錢

白蒺藜炒去刺

人參各半兩

白朮七錢以性涼續添

右為細末每服三錢水一盞磨沈香少許煎七分

治精血皆虛鹿茸丸。

血茸半兩用酥微炙

五味子

山藥各一兩以上三件為末

青鹽三錢另研

右煉蜜和作一塊收磁合中臨時丸每服三十九丸食

前溫酒下

治肝腎氣虛外應目不榮宜服此足精丸。



好熟乾地黃

須是蒸九遍用酒製造者

當歸

去苗

白芍藥

人參

山藥

各半兩

茄茸

酥炙去皮七錢

五味子

六錢

川椒

去目一錢半

青木香

獨活

甘菊

各三錢

白蒺藜

杜仲

去皮酥炙

克絲子

酒浸一宿

黃耆

各半兩

大芎

肉蓯蓉

各四銖

右爲細末煉蜜丸如梧子大空心濃煎糯米湯入鹽

少許下五十九

又服洗肝散

天麻

半兩酒浸一宿濕紙裏煨

白僵蠶

去口去絲

天南星

炮各一分

芎

二錢

黃耆

薏苡仁

白芍藥

各半兩

白蒺藜

去刺四分

甘菊

甘草

炙

人參

各三分

木香一錢半

沈香煎時磨少許

右為細末水一盞薄荷二葉磨沈香少許同煎取七

分去滓服日進二三服每服二錢

補心氣人參散

人參七錢

伏神

山藥各半兩

白芍藥

黃耆

熟乾地黃各一分

防風一分半

甘草

一分灸

官桂

去皮一分半

天南星

炮過二分

右為細末每服二錢水一盞生薑棗少許煎七分

司業六脈滿而不實寸口倍於人迎尺脈鬱鬱不清血濁而氣浮宜清血抑肺氣如此即隔通而氣歸於下不

可服燥烈之藥第一方

人參七錢好者

陳橘皮去白一分半

白茯苓

麥門冬去心三錢

桔梗

紫苑

防風各一分

黃耆

前胡

白芍藥

木香各一分半

白蒺藜

去刺

桑白皮

各半兩

甘草

二錢

大腹皮

半筒

右為細末每服三錢非時或食後少時水一盞磨沈

香少許生薑一片同煎八分初服三四服覺膈快便

不須服卻只常服丸子候三兩日閒覺似壅即進一

服此散子不常服是下方

又方

天麻麵裏炮

肉蓯蓉

酒浸一宿

熟乾地黄

好者

兔絲子

酒浸一宿

山藥

柏子仁

各半兩

草薺

茯苓

白芍藥各半兩

牛膝去頭四分

人參七錢

枳實

一分炒過麵

木香

一錢半

右為細末。搗薏苡仁為粉。煮作稀糊。丸如梧子大。陰乾。每日空心濃煎糯米湯入鹽下五十丸。

治小兒腹中有氣不散。而藏府微澁。夜有盜汗。

史君子

三錢

京三稜

萆薢

白茯苓

鼈甲

人參各一分

黃耆一錢

獨活二分

肉豆蔻

二箇

木香

一錢半

甘草

二錢

右為細末。非時水半盞煎二錢。煉取三分。去滓服。覺氣散則已之。不可多服。

治小兒瀉。本因傷水。

訶子

白朮

白芍藥

各一分

甘草

炙

蒺藜

獨活

厚朴

去皮各二分

黃連

半炒

肉豆蔻

一枚

右為龕末煎一錢許去滓服水七分煎至半盞

久便血

黃連

一錢炒半焦

白蒺藜

去刺半兩

槐花

炒焦

獨活

訶子

炮取肉

枳實

炒焦

荆芥穗

蔓荆子

各一分

木香

一錢半

白芍藥

三分

甘草

炙

右為細末食後水一盞煎三錢七取七分和滓服或

煉蜜丸如梧子大清湯下三四九日一服或二服

下多黯淡如水者血中水氣盛也先覺氣悶體重下後反快散之滲之色鮮厚者真血也殺人急補之



治小兒急慢驚風。

人參

半兩好者

天麻

炮

天南星

炮

黃耆

芎

各二錢

薏苡仁

獨活

伏神

蔓荆子

各一分

鼈甲

酥炙

木香

各一分半

甘草

一分

半夏

薑製一錢半

乾蠍

四箇全者用糯米同炒熟為度

麝香

同朱砂研

朱砂

合上臨服旋入少許

右為細末如飛塵入朱砂麝香少許每服二錢同煎

三四沸與三匙頭如更發數即添麻黃一味并煎如

大府冷即添白朮末一二豆粒許同煎小兒藥宜服

細末取其氣液之全唯是止瀉痢乃作丸耳

治血滯精虛肛門癢痛成痔

白斂

黃耆

炙各半兩

槐花

微炒

茯苓

白芍藥

甘草

炙

當歸

去苗各一分

南木香

一錢半

枳實

炒焦一錢半

白蒺藜

三錢

右為蠶末非時水一盞煎三四錢匕取八分去滓服。每日空心先服鹿茸青鹽丸方在前卻日進三四服。以去痔根初服只一二服俟服青鹽丸及旬日自然可載此藥後續進兩三服二藥相兼而進久可以去其根本下血日多即令人心忪無情緒意思不悅宜戒酒慎護病雖已止宜服此二藥服藥若痔根已安藏血未止即便服後方。

新活鯽魚一箇

重四五兩以上者去腸不去鱗

白礬

三兩微敲研

槐花 半兩

蒲黃 一分

右衮合同納於魚腹中。納藥了。以線繫之。入一坩合。中外以鹽泥固濟乾。十斤炭簇之火。盡取出。細研如塵。蒸餅丸如梧子大。非時米湯下。二三十丸。一日一兩服。

少陽相火之復。與水爭戰。耳痛方。

官桂 去皮三錢

白芍藥

白茯苓

桔梗

防風

甘草 炙

麻黃 去節

羌活

麥門冬 去心各一分

黃耆 半兩

山茵陳 二錢

右為龕末。每服三錢。水一盞。生薑兩片。煎至七分。去滓服。日三。如不痛。更不消服。只進補腎藥。

治婦人骨蒸方

桑白皮 黃耆 薏苡仁 茵芋

紫蘇葉 茯苓 甘草 官桂

大腹皮 陳橘皮

右為細末。每服四錢。水一盞。薑三片。煎八分。服之三

四日。卻服後方。

微利不妨。如腳未消。即閒用豆湯服一服。

又方

牛膝 當歸 茯苓 熟乾地黄

薏苡仁 黃耆 巴戟 柏子仁

鼈甲 芎 桑螵蛸

酥炙

各一分

三分

去頭酒浸一宿

去苗

去心各半兩

各一分

去皮二錢

半錢

三錢

右細末煉蜜丸如梧子大空心鹽湯下五十九

小兒藏寒泄瀉不止豆蔻丸

草豆蔻

一枚剝開皮入乳香一塊在內復用和白麵裏慢火燒令熟去麵及豆蔻皮不用

右為細末以粟米飲丸如麻子大每服五七丸米飲

下無時

小兒泄厚腸丸

地榆

天麻

芎

赤石脂

各一分

訶子皮

削朮

各三分

厚朴

去皮一分薑炙

木香

半分

右為細末棗肉為丸非時服三十九

治久瀉方

白朮 半兩

白芍藥 半兩

桔梗 一分

白芷 半兩



右爲細末。以豬肝四兩。片切如食法。入少鹽和之。不用油。用藥先和一半。於銚內先燂過。次用木炭火上炙乾。再傅末。作兩三次食之。止泄最妙。

又方新製。

人參 一兩

黃耆

薏苡仁

糯米末

阿膠 炒

木香

茯苓

半夏

如法製

甘草 炙

鼈甲

酥炙各一分

白朮

半兩

肉豆蔻

大者兩箇

右爲細末。不羅。非時以水一盞。生薑一片。棗子一箇。破之。同煎三錢。取七分服。去滓服。至十來服。或七八服。覺血淡。或微有些小腹痛。每服加白朮少許。及烏梅肉半箇煎。但血旋止。和胃氣藥未可全去。只桔梗。

枳實二味。以白蒺藜代之。

痢稍止。未全減。藏府忽下血。猶未止。卻服此方。

黃耆 輕灸

白蒺藜 去刺各半兩

白斂

茯苓

槐花 微炒

獨活 各一分

訶子皮 四錢

木香 一分

黃連 燒焦二錢

右爲末。煉蜜丸。如梧子大。非時清湯下。二十九至三十丸。米湯亦得。

又方

訶子 炮令大熟

山藥

人參

白朮 各半兩

熟乾地黃

一兩半地黃最能補而去肝風但通腸於利藥中使非訶子不能爲功

木香 一分

桑寄生 一分

右爲末煉蜜丸如梧子大空心米湯下三十九丸常服  
以去痔疾又能足血

進飲食香朮丸

白朮一兩  
炒

丁香半錢

半夏

木香炮

蓬莪各一分

防風

麥蘖炒

神麴炒各半兩

茯苓半兩

甘草一分

右爲末水麴糊丸如梧子大每朝米湯下三十九丸

後服

評註史載之方卷下